

SVEIO KONTROLLUTVAL

PROTOKOLL

Tysdag **14. juni 2016** blei det halde møte i Sveio kontrollutval under leiing av utvalsleiar Olav Haugen.

MØTESTAD:	Kantina, Sveio kommunehus
MØTESTART/-SLUTT:	kl.18.00 – kl. 19.45
MØTANDE MEDLEMMER:	Olav Haugen (KrF), Ole-Ørjan Hov (MDG), Heidi Selsås (A), Hans Christian Andersen (FrP) og Torill Hagland (H)
MØTANDE VARAMEDLEMMER:	Ingen
FORFALL:	Ingen
FRÅ SEKRETARIATET MØTTE:	Dagleg leiar/utvalssekretær Toril Hallsjø, Haugaland Kontrollutvalgssekretariat IKS
FRÅ REVISJONEN MØTTE:	Ingen frå KPMG AS
FRÅ ADMINISTRASJONEN MØTTE:	Kommunalsjef helse og omsorg Bjørn Gilje i sak 13/16 og 14/16
MERKNADER TIL INNKALLING:	Utvalet meinte kommunen var sein med å leggje ut sakskartet på nettsida.
MERKNADER TIL SAKLISTE:	Ingen.

FØLGJANDE SAKER BLEI HANDSAMA:

SAK 12/16 GODKJENNING AV PROTOKOLL FRÅ MØTE 19.04.16

Sekretariatet si innstilling:

Protokollen frå møte i kontrollutvalet 19.04.16 blir godkjent slik han ligg føre.

Handsaming i kontrollutvalet 14.06.16:

Utvalet hadde ingen merknader.

Samrøystes vedtak i kontrollutvalet 14.06.16:

Protokollen frå møte i kontrollutvalet 19.04.16 blir godkjent slik han føre.

SAK 13/16 ORIENTERING FRÅ ADMINSTRASJONEN – HELSE OG OMSORG

Sekretariatet si innstilling:

Sveio kontrollutval tek kommunalsjef helse og omsorg si utgreiing om einingane til orientering.

Handsaming i kontrollutvalet 14.06.16:

Kommunalsjef Gilje takka utvalet for at han fekk komme. Han hadde hatt ansvar for saksfeltet i 20 år. Det var eit spanande felt og mykje som skjedde. Han jobba tett opp mot fem einingsleiarar som hadde ansvar for kvart sitt rammeområde. Dei disponerte til saman 112 mill. kr (netto-tal, når refusjonane var trekt ifrå). Områda er: 1) Helse/rehab., 2) Barnevern, 3) Pleie/omsorg, 4) NAV/flyktning, og 5) Habilitering. Til saman er det 144 årsverk og over 200 tilsette. Han framheva dei dyktige medarbeidarane.

Han orienterte så om ein rekkje planverk, som kommunen ved lov er pålagd å utarbeide. Av utfordringar blei balanse mellom driftsbehov og budsjett spesielt trekt fram. Det låg an igjen til ei overskriding 1. halvår pga. auka behov for pleie i egen bustad, innleige av ein 5. nattevakt og bruk av vikarbyrå, då det er vanskeleg å rekruttere nok helsepersonell. Andre innspel til kommande budsjett er spesialtilpassa bustader, eige aktivitetstilbod for psykisk utviklingshemma. Av kommande prosjekt nemnde han Jobb-base for unge arbeidsledige og busetting av fem mindreårige asylsøkarar. Av saker til hausten blei sak om felles legevaktordning trekt fram som uviss. Utvalet hadde spørsmål knytte til legedekning og budsjettsituasjon, som det blei svara på. Utvalsleiar takka for ei grundig orientering.

Samrøystes vedtak i kontrollutvalet 14.06.16:

Sveio kontrollutval tek kommunalsjef helse og omsorg si utgreiing om einingane til orientering.

SAK 14/16 SAK FRÅ INNBYGGJAR OM Å IVERKSETTE UNDERSØKING

Handsaming i kontrollutvalet 14.06.16:

Utvalsleiar innleia. Han la fram nokre prinsipp vedk. innmeldte saker frå innbyggjarar. Dei var sett opp i 13 punktar og blei lest opp. Utvalet slutta seg til dei.

I følge pkt. 11 skal utvalet ta stilling til om slike saker skal handsamast for opne eller lukka dører. Utvalet var samd i at det her ikkje var grunn for å lukke møtet. Dette blei tatt opp til særskilt votering.

Samrøystes vedtak i kontrollutvalet 14.06.16:

Sveio kontrollutvalet vedtar at saka vert handsama for opne dører.

Vidare handsaming i kontrollutvalet 14.06.16:

Andersen etterlyste meir dokumentasjon for dei framsette påstandane om at kommunestyret hadde fatta vedtak på feil grunnlag i 2004. Utvalsleiar meinte brevet eigentleg var ei klage utan at ordet var nytta, og at hans misnøye burde rettast til andre organ. Kommunalsjefen viste til at stiftinga har fått ny leiing sida starten, samt er eigen juridisk person. Bufetat har sidan starten også hatt omlegging frå kjøp av institusjonsplassar til fleire fosterheimsplassingar.

Kommunen sitt føretak har berre vore leigetakar. Utvalet var samd i fakta og meinte det ikkje var grunn for å gå nærare inn i saka.

Utvalsleiar hadde også utforma eit framlegg til vedtak som han leste opp. Utvalet slutta seg til framlegget.

Samrøystes vedtak i kontrollutvalet 14.06.16:

Sveio kontrollutval vedtar at saka vert avvist med følgjande grunngjeving:

- 1. Brevet vert oppfatta som ein klage og kontrollutvalet er ikkje eit klageorgan.*
- 2. Stiftinga Sveio Bufellesskap er eiga juridisk eining som fell utanfor kommunen sitt virkeområde. Kontrollinstans her er Stiftelsestilsynet.*
- 3. Statens barnevern og Bufetat er utanfor kontrollutvalet sitt kontrollområde. Desse førar eigne tilsyn med dei institusjonar dei inngår avtale med.*
- 4. Sveio Bufellesskap KF har heile perioden det visast til vore leigetakar. Det er drifta av institusjonen som i 2008 vart overført til stiftinga.*

SAK 15/16 OPPFØLGING AV RAPPORT – SELSKAPSKONTROLL – HAUGALAND KRAFT AS OG HAUGALAND NÆRINGSARK AS

Sekretariatet si innstilling:

Sveio kontrollutval tar tilbakemeldingane frå Haugaland Kraft AS og rådmannen om oppfølging av rapport frå selskapskontrollen i Haugaland Kraft AS og Haugaland Næringsark AS til orientering.

Melding om oppfølging vert sendt kommunestyret til orientering.

Handsaming i kontrollutvalet 14.06.16:

Utvalsleiar innleia. Sekretær supplerte. Utvalet var nøgd med tilbakemeldingane og meinte det var greitt med at saka berre blei oversendt kommunestyret som ei referatsak.

Samrøystes vedtak i kontrollutvalet 14.06.16:

Sveio kontrollutval tar tilbakemeldingane frå Haugaland Kraft AS og rådmannen om oppfølging av rapport frå selskapskontrollen i Haugaland Kraft AS og Haugaland Næringsark AS til orientering.

Melding om oppfølging vert sendt kommunestyret til orientering.

SAK 16/16 REFERAT- OG ORIENTERINGSSAKER 14.06.16

16. Statusoversikt - juni 2016
17. Komm.styrevedtak 23.05.16, sak 32/16 – Eigarskapsmelding 2016- 2019
18. Komm.styrevedtak 23.05.16, sak 36/16 – Nedlegging av Sveio Bufellesskap KF
19. Protokoll frå møte 25.04.16 – Haugaland Kontrollutvalgssekretariat IKS
20. Innkalling - generalforsamling 06.06.16 – Haugaland Kraft AS
21. Innkalling – hamnerådet – 09.06.16 – Karmsund Havn IKS
22. FKT – fagkonferanse 07.-08.06.16 – evaluering /tilbakemelding v/utvalsleiar
23. Innkalling - Årsmøte i FKT 07.06.16

Handsaming i kontrollutvalet 14.06.16:

Utvalsleiar gjekk gjennom sakene. Sekretær opplyste at statusoversikten viser feil vedk. forvaltningsrevisjonsrapporten «Sakshandsaming, service og haldningar». Den blei handsama av det avtroppande kommunestyret i møtet 12.10.15, sak 78/15. Rapporten var no kopiert opp og blei delt ut. Utvalsleiar omtala FKT-konferansen som lærerik og interessant. Utvalsleiar og dagleg leiar/utvalssekretær var observatørar på hamnerådet og gav eit referat frå møtet.

Samrøystes vedtak i kontrollutvalet 14.06.16:

Kontrollutvalet tar referatsakene 16-23 til orientering.

EVENTUELT

Ingen saker var meldt.

Neste møte

Etter møteplan er dato **13. september** kl. 18.00. Saker: kommunalsjef oppvekst og kultur er invitert til å orientere, budsjett for kontroll og tilsyn for 2017, prioritering av områder til Plan for forvaltningsrevisjon og selskapskontroll 2016-2020.

Sveio/Aksdal, 14. juni 2016

Olav Haugen
kontrollutvalsleiar (sign.)

Toril Hallsjø
utvalssekretær (sign.)